

## SHKALLËT E BESIMTARËVE NË RRUGËTIMIN DREJT ALLAHUT (MEDAARIXH ES-SAALIKIIN)

---

### Shkreptima / *el-Berk* / البرق

Dr. Hatim el-Haxh

Materiali është përmbledhje e kuptimeve të audio-ligjëratës nga nxënësit e hoxhës

<https://buff.ly/2hbVv4T>

Allahu ﷻ tha:

"إِذْ رَأَىٰ نَارًا"

"Kur ai pa një zjarr."<sup>1</sup> (Ta-He, 10)

Shkreptima (*berk*) është një shkëndijë nismëtare, që fton robin për të marrë këtë udhë<sup>2</sup>. Dallimi mes kësaj dhe ekstazës (*wexhd*) është se ekstaza ndodh pasi të hysh në shteg, kurse shkreptima (*berk*) ndodh para hyrjes në shteg. Kështu, ekstaza është një mbështetje (për robin), ndërsa shkreptima është një lejim. Kjo ka tri nivele:

Niveli i parë është një shkreptimë që shkëlqen nga premtimet për robin shpresues<sup>3</sup> ashtu që:

---

<sup>1</sup> Kjo i referohet zjarrit që pa Musai عليه السلام rrugës teksa po kthehej nga Medjeni në Egjipt. Kjo shënoi nisjen e pejgamberllëkut të tij. Shejhu (el-Harawi) përdori këtë ajet në fillim të këtij kapitulli për të treguar se shkreptima (*berk*) shënon nismën e miqësisë intime (*welajeh*; evlijallëkut) të personit me Allahun.

<sup>2</sup> Çdo lëvizje e rëndësishme në jetën e personit niset me anë të një ndikimi të madh. Marrja e rrugës drejt devotshmërisë dhe pastrimit shpirtëror frymëzohet nga një ftesë prej Allahut. Kjo ftesë mund të jetë në formë të një përjetimi transformues, që ndriçon zemrën dhe udhëzon shpirtin. Dhe mund të jetë e shkurtër pors një vetëtimë. Personi duhet të ketë kujdes që të mos lërë t'i ikin këto mundësi. Allahu tha:

"Ne do t'i shmangim zemrat e tyre dhe sytë e tyre mu sikurse ata refuzuan të besonin në të (vërtetën) herën e parë." (el-En'aam, 110)

<sup>3</sup> Ky është robi i vyer, që punon për shpërblimet e premtuara. Kjo bindje për premtimin e Tij dhe shpresa e bëjnë të pranojë të gjitha mirësitë e Tij, të nënçmojë të gjitha përpjekjet e veta, dhe të pranojë të gjitha caktimet e Tij.

- Mirësitë e vogla i sheh si të mëdha
- Barrët e rënda i sheh si të lehta
- Fatet e hidhura i sheh si të ëmbla

Niveli i dytë është një shkretimë që shkrep nga kërcënimet për robin syçelë<sup>4</sup> ashtu që:

- Të gjitha shpresat i sheh si të shkurtra
- Humb interesimin për njerëzit, pavarësisht afërsisë që ka me ta
- Dëshiron të dëlirë vetveten thellësisht

Niveli i tretë është një shkretimë që shkëlqen nga butësia për robin e thyer<sup>5</sup>, që:

- Formon re gëzimi
- Sjell të reshura euforie
- Bën që të rrjedhin lumenjtë e krenarisë<sup>6</sup>

---

<sup>4</sup> Ky është robi që ia ka frikën afrimit të vdekjes dhe ndëshkimit; ka frikë se veprat e tij nuk janë të sigjerta dhe zemra e tij s'është e pastër. I këtilli gjithnjë është i alarmuar, në ngutje që të pastrojë të brendshmen e vet para se të vijë koha e takimit me Zotin e tij.

<sup>5</sup> I këtilli s'i vjen Zotit me gjë tjetër përveç thyerjes shpirtërore. Kur Ai pranon atë, ai nis të përjetojë hirin dhe butësinë / mirësinë e Tij.

<sup>6</sup> Kjo s'është krenaria e një arroganti, po e një të thyeri. Allahu tha:

“Thuaj: ‘Mirësisë së Allahut dhe mëshirës së Tij le t'i gëzohen.’” (Junus, 58)